

- Մենք ծածուկ կը փախչինք կ'երթանք:
- Քեզի հետ ամեն տեղ կ'երթամ, Չաւեն հայրիկ, բայց դու այսչափ ատեն ինչո՞ւ զիս մոռցար:
- Խեղճ աղջիկ, քանի տարի է, որ զքեզ կը փնտրեմ եւ դեռ նոր գտայ:
- Երթանք ուրեմն,— ըսաւ տղան եւ ոտք ելաւ:
- Հիմա դեռ պատրաստ չենք, դու մեր այս խօսքերը պետք չէ, որ մարդու յայտնես. դու զիս ճանչելո՞ւ, իմ անունս մարդու պետք չէ իմացնես. ես գաղտուկ ամեն բան կը պատրաստեմ, կարգի կը դնեմ. եւ օր մը յանկարծ կ'երթանք քեզ հետ մայրիկին:
- Մայրիկն ուրեմն ո՞րջ է,— ըսաւ Արփենի եւ աչքերուն արտաքոյ կարգի կենդանութիւն մը եկաւ:
- Նուրբերը ողջ են միշտ, իմ սիրուն Արփենի:
- Արփենի այս խօսքին զօրութիւնը չիմացաւ, եւ ծերուն ձեռքը բռնելով.
- Շուտ տես պատրաստութիւններդ, Չաւեն հայրիկ,— ըսաւ:
- Դու համբերէ. երբեմն եկ հոս այսպիսի ժամանակ, երբ ամենքը քնած են. կը տեսնուինք եւ կը խօսինք: Միայն մի՛ մոռնար, որ մարդ պետք չէ իմանայ:
- Դու երեխա՞յ ես:
- Լաւ,— ըսաւ ծերը ծիծաղելով այս հարցմունքին,— գնա՛, որդեակ, ոչ ոք կասկած չառնու:

Եւ աղջիկը «մնաս բարով» զրուցեց ու մտաւ տուն: Իսկ Չաւեն կը նալեր ետեւէն եւ կը մտածեր ու կ'ըսեր ինքնիրեն. «Ի՞նչ վիճակ է ալս աղջկան վիճակը, ինչո՞ւ ալդ փոփոխութիւնը իւր վրայ, ես կարծեի թէ զիս տեսնելուն ու Կանչելուն ինձ պիտի դիմէ՝ գիրկս պիտի ընկնի... «Չաւեն հայրիկ» ըսաւ. բայց այն հին ոգին, հին եռանդը թուի թէ կասկածը, գերութիւնը, բռնութիւնը սպաններ են: Այնպէս թուի, որ եթէ ազատութեան հասնելու փափագը չէ մեռած, յոյս եւ հաւատք գրեթէ մեռեր են լուր փոքրիկ սրտին մէջ... Այո՛, ալդ ճիւղաղները փրկութեան յոյսը սպաններ են սրտին մէջ: Հայաստան քանդեր իսկէն են իր սրտէն: Տէր